

# COMUNE DE ROMANA

## PROVÌNTZIA DE TÀTARI

Carrera Roma 50 07010 Romana tel. 079925013 fax 079925241

Prot. 941

ORDINÀNTZIA N. 13 DE SU 19.08.2020

**OGETU: MESURAS URGENTES IN MATÈRIA DE CUNTENIMENTU E GESTIONE DE S'EMERGÈNTZIA EPIDEMIOLOGICA DAE COVID-19 (CORONAVIRUS). PROIBITZIONE DE GENTÒRIA ÀREA SANTU LUSSURZU.**

### SÌNDIGU

#### BIDOS

- s'art. 50, comma 5, de su D.Lgs. n. 267 de su 18.08.2000;
- s'art. 1, comma 9, de su D.L. n. 33 de su 16/05/2000;

#### TORRADAS A CRAMARE

- Sa deliberatzione de su Consìgiu de sos Ministros 31 ghennàrgiu 2020, cun sa cale est istadu declaradu pro ses meses, e duncas finas a totu su 31 de trìulas de su 2020, s'istadu de emergèntzia igiènicu-sanitària in su territòriu natzionale dèvidu a arriscu sanitàriu connessu a su cumintzu de patologias chi derivant dae agentes virales trasmissìbiles (COVID – 19)
- Sa deliberatzione de su Consìgiu de sos Ministros 29 trìulas 2020 cun sa cale est istadu perlongadu finas a totu su 15 de santugaine de su 2020, s'istadu de emergèntzia igiènicu-sanitària in su territòriu natzionale dèvidu a arriscu sanitàriu connessu a su cumintzu de patologias chi derivant dae agentes virales trasmissìbiles (COVID – 19)

#### CUNSIDERADU CHI

- Sa situatzione attuale de emergèntzia igiènicu-sanitària, declarada gasi cun deliberatzione de su Consighiu de sos Ministros finas a totu su 15 de santugaine de su 2020, imponet de adotare ogni precauzione ordinada dae prima pro garantire a manera generalizada su rispetu de sas mesuras de distanziamentu sotziale intre pessones de unu metru e s'adotzione de dispositivos de protetzione individuale (d.p.i.) puru e prus a totu in sos loghos pùblicos e abertos a su pùblicu;
- S'art. 50, comma 5, de su D.Lgs. 267/2000 a manera espressa disponet chi: "... in casu de emergèntzias sanitàrias o igiene pùblica a caràtere a manera esclusiva locale sas ordinàntzias ocasionales e urgentes sunt adotadas dae su Sìndigu, cale rapresentante de sa comunidade locale. Sas ordinàntzias matessis sunt adotadas dae su Sìndigu cale rapresentante de sa comunidade locale in relatzione a sa netzessidade urgente de interventos punnados a propassare situatzione de trascuradesa grae o gradu de su territòriu, de s'ambiente e de su patrimòniu culturale o de pregiudìtziu de su decoro e de sa vivibilitàde urbana...";
- S'art. 1, comma 9, de su D.L. 33 de su 16 de maju de su 2020 – D.L. mudadu cun Lege n. 74 de su 14/7/2020 – previdet a manera espressa che su Sìndigu podet dispònere sa serrada temporànea de àreas pùblicas ispetzificas o abertas a su pùblicu cando siat impossibile assigurare a manera adeguada su rispetu de sa distàntzia de siguresa intre pessones de a su nesi unu metru;
- Sa situatzione attuale de emergèntzia igiènicu-sanitària imponet rigore particolare in s'adotzione de mesuras finalizadas a impedire s'isparghidura de su COVID – 19 cun riguardu particolare a sas zonas de agregatzione naturale de sas pessones. Iscopu printzipale est cussu de evitare muntones de gente chi cumpromitant su rispetu de sa misura de distanziamentu sotziale intre pessones de a su nesi unu metru;
- Est costumàntzia de totu sos tzitadinos de Romana sa die 20 de austu de ogni annu, in occasione de sa bizadura religiosa in onore a Santu Lussurzu mandigare e bufare in su pratzale a dae in antis de sa crèsia matessi e de si bi firmare tota sa note;

#### **Rilevadu chi:**

si potzat cunfigurare unu cuntestu de arriscu, massimamente, consideradu chi s'ant a registrare pro forza muntones de gente non controllados, situatzione in cuntierra cun sa "ratio" de sos provvedimenti normativos cunnessos a s'emergèntzia sanitària galu in èssere, punnadu a sa preventzione e contrastu de s'isparghidura de su cundimentu dae COVID – 19;

Tales situatziones, imponent, consideradu su lampigiare issoro subra de su momentu attuale de emergèntzia igiènicu – sanitària, ativa finas a totu su 15 de santugaine de su 2020, s'adotzione de ordinàntzia ocasionale e urgente finalizada a impedire muntones de gente proibidos dae s'art. 1, comma 8, perìodu primu, de su decretu-lege 18 de maju de su 2020, n. 33;

#### **ÒRDINAT**

- De proibire sa die 20 de austu de su 2020 ogni forma de permanèntzia, agregatzione e/o occupatzione istàbile e sighida in tota s'àrea de sa crèsia de Santu Lussurzu

- De proibire in su logu in antis naradu su consumu e s'aprontadura de màndigos e bèvidas;
- Est cunsentidu su passàgiu e sa firmada in s'àrea in antis narada ebbia pro motivos puramente religiosos.

Sos violadores ant a èssere santzionados segundu sa lege.

### **INCÀRRIGAT**

Sos òrganos de Politzia pro su controllu de s'osservàntzia de s'ordinàntzia presente;

S'ordinàntzia presente

est publicada in s'albu pretòriu de su Comune e in sa *home page* de su situ istituzionale, pro s'isparghidura e informatzione màssima;

est imbiada in còpia a sa Prefetura de Tàtari, a su Cumandu Istatzione Carabineris locale de Romana e a sa politzia locale de su Comune de Romana.

In cunforma a s'art. 3, comma quartu, de sa lege 7 de austu 1990, n. 241 e modificas imbenientes contra a s'ordinàntzia presente est ammitidu, in su tèrmine de 60 dies dae sa notificatzione, recursu a su Tribunale Amministrativu Regionale de sa Sardigna ossiat in aplicatzione a su D.P.R. n. 1199/1971 at a pòdere èssere propositu recursu istraordinàriu a su Capu de s'Istadu, pro motivos de legitimidade, intro de 120 dies dae sa notifica.

Dae sa residèntzia comunale, 19.08.2020

SU SÌNDIGU

Dut.ra Lucia Catte

Traduzione de s'operadora de s'isportellu linguisticu de Romana  
Maria Leonarda Correddu